

ურთიერთთანამშრომლობის მემორანდუმი  
სსიპ „ილიას სახელმწიფო უნივერსიტეტი“ და

შპს ქართულ-ამერიკული სკოლა  
Georgian-American school

სკოლას შორის

ქ. თბილისი

ერთი მხრივ, სსიპ „ილიას სახელმწიფო უნივერსიტეტი“ (შემდგომში – უნივერსიტეტი), წარმოდგენილი რექტორის, გიგა ზედანიას, სახით, და შპს ქართულ-ამერიკული სკოლა (შემდგომში – სკოლა), წარმოდგენილი დირექტორის, იზა მესხიძელის სახით, ხელმძღვანელობენ რა ურთიერთგაგებისა და პატივისცემის პრინციპებით, გამოხატავენ ურთიერთთანამშრომლობის სურვილს და დებენ წინამდებარე მემორანდუმს შემდეგზე:

1. მემორანდუმის საგანი

წინამდებარე მემორანდუმის საგანია მხარეებს შორის ურთიერთთანამშრომლობა, რომელიც გულისხმობს უნივერსიტეტის სტუდენტთა სტაჟირებას სკოლების ბაზებზე პედაგოგიური პრაქტიკის, კვლევებისა და სხვადასხვა ერთობლივი აქტივობის დაგეგმვისა და განხორციელების მიზნით.

2. მხარეთა უფლება-მოვალეობანი

სასკოლო პრაქტიკის, კვლევის, ერთობლივი ღონისძიებების ორგანიზების ფარგლებში, მხარეები იღებენ შემდეგ ვალდებულებებს:

2.1. სასკოლო პრაქტიკის ფარგლებში უნივერსიტეტი ვალდებულია:

- ა) ჩამოაყალიბოს პრაქტიკის კონცეფცია, რომელშიც მოცემული იქნება პრაქტიკის მიზანი, პრაქტიკის შედეგად მიღებული შედეგები და კომპეტენციები, შეფასების წესი, პრაქტიკის გეგმა და პრაქტიკის განხორციელების მონიტორინგისა და შეფასების მექანიზმები;
- ბ) კოორდინირება გაუწიოს პრაქტიკის კომპონენტის განხორციელებას;
- გ) უზრუნველყოს სკოლის ადმინისტრაციის ჩართულობა პრაქტიკის, როგორც პროგრამის კომპონენტის, გაუმჯობესების პროცესში;
- დ) სემესტრის განმავლობაში ჩაატაროს სამუშაო შეხვედრები სკოლის ადმინისტრაციასთან ან/და პრაქტიკის ხელმძღვანელ მასწავლებელთან პრაქტიკის პროცედურასა და პროგრამის იმ კურსის თემატიკაზე, რომლის ფარგლებშიც მიმდინარეობს პრაქტიკა;
- ე) უზრუნველყოს პრაქტიკის ხელმძღვანელი მასწავლებლების პერიოდული ინფორმირება პრაქტიკის მოთხოვნებისა და სპეციფიკის შესახებ;
- ვ) აწარმოოს პრაქტიკის განხორციელების შეფასება და მონიტორინგი, გააანალიზოს შედეგები და მოამზადოს რეკომენდაციები პრაქტიკის გაუმჯობესების მიზნით;
- ზ) საჭიროების შემთხვევაში შესაბამისი დახმარება გაუწიოს პრაქტიკის ხელმძღვანელ მასწავლებელს პროფესიულ განვითარებაში ინდივიდუალური კონსულტაციებით, ლექციებზე დასწრებით, უნივერსიტეტის საბიბლიოთეკო ფონდით სარგებლობის უფლებითა და კურსების ფარგლებში გამოყენებული რესურსების გაზიარებით;
- თ) სკოლის მოთხოვნის შემთხვევაში შესაბამისი საგნის/საგნობრივი ჯგუფის მიმართულების სტუდენტი ან უნივერსიტეტის კურსდამთავრებული-სტაჟიორის, მძიებელი მასწავლებლისა/დამასწავლებლის თანამდებობაზე.



2.2. სასკოლო პრაქტიკის ფარგლებში სკოლა ვალდებულია:

- ა) უზრუნველყოს პრაქტიკანტისთვის შესაბამისი საგნის/საგნობრივი ჯგუფის მასწავლებლის/სპეციალური მასწავლებლის/ინვლუზიური განათლების საკითხებზე პასუხისმგებელი პირის ან განათლების ადმინისტრირების სტუდენტებისთვის შესაბამისი ადმინისტრაციული ერთეულის ხელმძღვანელის შერჩევა პრაქტიკის ხელმძღვანელად;
- ბ) უზრუნველყოს სასკოლო პრაქტიკის შეუფერხებელი განხორციელება უნივერსიტეტის მიერ შემუშავებული პრაქტიკის კონცეფციის შესაბამისად;
- გ) მონაწილეობა მიიღოს უნივერსიტეტის მხრიდან დაგეგმილ პრაქტიკასთან დაკავშირებულ სამუშაო შეხვედრებსა და სემინარებში;
- დ) დაეხმაროს სტუდენტს სასკოლო პრაქტიკის ორგანიზაციული მხარის მოგვარებაში;
- ე) შეატყობინოს უნივერსიტეტს სტუდენტის მხრიდან პრაქტიკის მიმდინარეობისას წარმოქმნილი ნებისმიერი პრობლემის შესახებ;
- ვ) ხელი შეუწყოს პრაქტიკანტს პრაქტიკის ფარგლებში დაგეგმილ აქტივობებზე დაკვირვებაში, ასისტირებასა და ჩატარებაში;
- ზ) გამართოს პრაქტიკანტებთან რეგულარული სარეფლექსიო დისკუსიები, მისცეს კონსტრუქციული უკუკავშირი პრაქტიკის გასაუმჯობესებლად;
- თ) პრაქტიკის საჭიროებიდან გამომდინარე და პრაქტიკანტის დაინტერესების შემთხვევაში ჩართოს იგი სასკოლო ცხოვრების კლასგარეშე აქტივობებში;
- ი) უნივერსიტეტის მიერ შემუშავებული პრაქტიკის კომპონენტის შეფასების კრიტერიუმებზე დაყრდნობით შეათასოს პრაქტიკანტი და აღნიშნული შეფასება წერილობით გადასცეს იმ კურსის ხელმძღვანელს, რომლის ხელმძღვანელობითაც ხორციელდება პრაქტიკა;
- კ) უნივერსიტეტის მიერ შეთავაზებულ პრაქტიკანტს/სტაჟიორს შეუქმნას ყველა პირობა პროფესიული განვითარებისა და თვითრეალიზებისათვის;
- ლ) სასწავლო პროცესის დისტანციურ რეჟიმში წარმართვის შემთხვევაში ჩაერთოს სასკოლო პრაქტიკის ფარგლებში დაგეგმილი აქტივობებისა და პრაქტიკის კომპონენტში სტუდენტთა შეფასების მოდიფიცირების პროცესში, ასევე სკოლის მიერ შერჩეული ფორმატით უზრუნველყოს სტუდენტის/სტუდენტების შეუფერხებელი ჩართვა შესაბამისი კურსით გათვალისწინებულ პრაქტიკულ აქტივობებში.

2.3. კვლევის ფარგლებში უნივერსიტეტი ვალდებულია:

- ა) დაეხმაროს სკოლას პრობლემების იდენტიფიცირებაში, მათ გაანალიზებაში ან/და ინტერვენციების დაგეგმვაში, განხორციელებასა და შეფასებაში;
- ბ) დაეხმაროს კვლევაში ჩართულ მასწავლებლებს კვლევითი კომპეტენციის ამაღლებაში;
- გ) აწარმოოს მონიტორინგი უნივერსიტეტისა და სკოლის მიერ ერთობლივად დაგეგმილი კვლევის მიმდინარეობაზე და პერიოდულად მისცეს შესაბამისი რეკომენდაციები კვლევის გასაუმჯობესებლად.

2.4. კვლევის ფარგლებში სკოლა ვალდებულია:

- ა) ხელი შეუწყოს სტუდენტთა ჯგუფს კვლევის შეუფერხებლად განხორციელებაში;
- ბ) უზრუნველყოს მასწავლებლების აქტიურად ჩართვა კვლევის პროცესში;
- გ) შეათასოს სტუდენტების მიერ სკოლაში განხორციელებული სამუშაო უნივერსიტეტის მიერ მოწოდებული შეფასების ინსტრუმენტის საშუალებით;
- დ) საჭირო მხარდაჭერაზე უარის თქმის შემთხვევაში დაასაბუთოს უარის მიზეზი წერილობით.

2.5. ერთობლივი ღონისძიებების ორგანიზების ფარგლებში უნივერსიტეტი ვალდებულია:

- ა) სკოლებს შორის პროფესიული გამოცდილების გაზიარების მიზნით ხელიშეუწყოს უნივერსიტეტთან შემორანდუმით დაკავშირებულ სკოლებთან ერთობლივი ღონისძიებების ორგანიზებასა და განხორციელებას;
- ბ) ხელი შეუწყოს პარტნიორ სკოლებს საუკეთესო პედაგოგიური პრაქტიკის ურთიერთგაზიარებაში (კონფერენციები, ერთობლივი პუბლიკაციები, ერთობლივი პროექტების მომზადება და ა.შ.);
- გ) მხარი დაუჭიროს პარტნიორ სკოლებს საბუნებისმეტყველო მეცნიერებების სწავლებასა და ექსპერიმენტების წარმართვაში უნივერსიტეტის ლაბორატორიის გამოყენებით;
- დ) პარტნიორ სკოლებს შესთავაზოს სხვადასხვა აქტუალურ საკითხზე შეხვედრები.



- 2.6 ერთობლივი ღონისძიებების ორგანიზების თვარგლებში სკოლა ვალდებულია:
- ა) აქტიურად ჩაერთოს უნივერსიტეტის მიერ შეთავაზებულ აქტივობებში;
  - ბ) სკოლა უფლებამოსილია სურვილისა და საჭიროების შემთხვევაში თავად იყოს უნივერსიტეტთან ერთობლივი ღონისძიების/ღონისძიებების ინიციატორი და ორგანიზატორი.

### 3. კონფიდენციალურობის პირობები

- 3.1. მხარეთა მიერ ურთიერთთანამშრომლობის შედეგად მოპოვებული ინფორმაცია წარმოადგენს კონფიდენციალურ ინფორმაციას და წინამდებარე ხელშეკრულების პირობების გაცნობა მესამე პირთათვის მეორე მხარის წინასწარი წერილობითი თანხმობის გარეშე დაუშვებელია. მხარეებმა უნდა უზრუნველყონ ხელშეკრულების შესრულებისათვის გამიზნული კორესპონდენციისა და სხვა საქმიანი დოკუმენტაციის მესამე პირთა ხელყოფისაგან დაცვა, გარდა მოქმედი კანონმდებლობით დადგენილი შემთხვევებისა.
- 3.2. მხარეთა ეს მოვალეობა ძალაშია ხელშეკრულების შეწყვეტის შემდგომ 2 (ორი)წლის განმავლობაში, მიუხედავად ხელშეკრულების შეწყვეტის საფუძვლებისა.

### 4. მემორანდუმის მოქმედების ვადა

- 4.1. წინამდებარე მემორანდუმი ძალაში შედის მისი ხელმოწერისთანავე და მოქმედებს ხუთი წლის ვადით, მემორანდუმის შეწყვეტა დასაშვებია 30 დღით ადრე მხარეთა წერილობითი მიმართვის საფუძველზე;
- 4.2. წინამდებარე მემორანდუმში ცვლილებების შეტანა ხორციელდება წერილობით, მხარეთა შეთანხმების გზით;
- 4.3. მემორანდუმი შედგენილია ქართულ ენაზე ორ ეგზემპლარად და ინახება მხარეებთან.

### მხარეთა რევიზიტები და ხელმოწერები

სსიპ ილიას სახელმწიფო უნივერსიტეტი

ს/ნ 204861970

მის.: ქ. ჩოლოყაშვილის გამზირი N3/5

ქ. თბილისი, საქართველო

შპს ქართულ-ამერიკული სკოლა Georgian-American School

ს/კ 404965169

მის. ნ.რამიშვილის ქ. N6

ქ.თბილისი, საქართველო

რექტორი

გიგა ზედანია



დირექტორი

ირმა მესხიშვილი

